

尋源山館遺著

溫州府圖書館

尋源山館遺著

謝友人惠酒與魚

一鷓情已厚况復惠雙魚生我齋厨色甯猶羨入蘆  
題友人山居

泰順

林文思

高文藻屏翳



門前半稻半桑麻有酒何須向市賒客坐偏宜松作  
伴我來錯認竹為家憲迎曉日喧嘩鳥地扇清風漾  
落花焦尾一張書一卷知君夢不到繁華

題妙雲小影四首

尋源山館遺著

共 | 册 存 | 册 排架号 0861

其一

螭首蛾眉巧笑顰當年玉貌今過人豈知能斷紅塵  
夢竟入招提作女真

其二

趺坐蒲團數十春黃庭貝葉日隨身西成公主今猶  
在合作蓮臺座下人

其三

菩提非樹鏡非臺無物須知是本來悟得色空之是  
色自然成佛不須猜

其四

年近四旬未白頭分明仙女下瓊樓瑤池只有三春  
色不帶人間半點秋

贈林素雲隨母潔身皈佛

母女同心證淨緣羞從紅紫潤春妍衲衣好作班衣  
舞繡閣偏來佛閣眠此去但教身是玉他時豈患福  
無田光明打破痴迷膜看汝道遙大願船

山居即事

營成兔窟傍東臯酒到酣時且讀騷雲去開窓迎竹  
月風來倚枕聽松濤花殘尚有陶公菊裘敝何妨芑  
叔袍河鯉河魴非易得灌園食力敢辭勞

## 雨後秋郊晚眺

牧笛橫吹送夕陽遙從疏見牛羊熟未卧水環平隴  
 敗葉隨風下野塘霜雁無聲天遠碧歸鴉有陣月昏  
 黃一秋清景描難盡併入詩心極莽蒼

## 齋居即事

此地如盤谷雲來晝亦昏四山青逼几一水綠環村  
 鳥鵲常依樹親朋罕到門愁懷誰共遣幸有酒盈樽  
 有感

何日銀河見斗牛浮查有路奈悠々迤來無限新詩  
 句寫上雲藍字々愁

齋頭黃花數枝主人為嫁女拚去掉瓶悵然有作  
 怪殺東君不我謀新枝拆去舊枝留武陵只重桃花  
 色更有何人解賞秋

## 自悼二首

才疏謀拙鬼揶揄空負今生六尺軀半幅敝帷師董  
 下三間陋屋與顏俱文章有厄青誰眼霜雪無情白  
 到鬚伏櫪壯心猶未已不知何日起泥塗

蕭然環堵枕書眠不受人憐却自憐俗慮未消難學  
 名心猶在敢稱仙一卷舊業惟微研半世生涯在破  
 毡差幸藐躬還少病詩堪遣興酒延年

釀菊

酒徒爭羨甕頭春誰試黃花釀更醇莫怪老來偏好  
事濫觴曾自漢宮人

余素患頭風囊為菊枕遂覺稍減詩以化之  
菊枕由來一藥籠祛風不共象花同從今痼症應全  
愈何必陳琳檄有功

生日口號

家人為我慶懸弧因把青銅照故吾誰識秋霜零短  
髮近來又換一頭顱

庚午卧病

河魚腹疾苦難支卧病文園况有時良藥恨無枚  
發沉疴幾等頗三遺形容瘦削全非舊精力銷磨竟  
若斯二豎相欺真太毒藐躬安得到期頤

惜花吟

分來佳樹武陵中開向庭邊爛熳紅昨夜死神何處  
去空將春色付東風

答友人問山齋近况

別來兩見月圓明可恨胸中鄙吝生一病更添崔浩  
瘦三飧未讓伯夷清欲知世味須詢我每論交情便  
憶鄉回首舊遊真自適不知何日賦同行

世途甚險多以非意相干作此寄慨

忍人難忍始為奇一較是非便覺癡司馬尚遭巾幗辱淮陰曾受少年欺生瑜應慮遠生亮學惠從來勝學夷悻悻丈夫徒小勇縱然後悔豈能追

題玉簪花

白簪滿插勢縱橫帶得天漿色更濃莫笑纏頭玉蜀錦玉人只合玉為容

中秋無酒喜主人招飲

無酒方愛負月明麴生風味主人情秋懷頓覺消岑寂小宴也應當大烹

中秋夜飲無月

孤館蕭條歲月淹中秋小飲賞銀蟾嫦娥似恐人相識故引重雲作畫簾

歲暮

歲暮光陰片家右百慮生債無臺可避危以漏難盈累重經營苦愁多夢寐驚想來惟一醉可解此時情

忍窮難

衡門泌水可忘飢此語古人太我欺到極窮時非易忍不然季子慍何為

樂道難

由來顏子未全貧，負郭有田可養身。若使當年簞食  
缺，縱然能樂也難真。

雜詠

不逢愛客孟嘗君，義字雖高卷莫焚。向道人情如紙  
薄，誰知比紙薄三分。

菊花之院逸者也，俗以富貴者之黃金印號之。  
殊覺未稱，况此花色香俱全，但稱其色，將何以  
處此？也。因作三絕以斥其謬。

托根籬下傲風霜，金印雖佳豈可方。堪笑世人稱謂  
謬，但知有色不知香。

陶公已往孰評章，我為斯花倍斷腸。爭似當年三徑  
裏，賞心佳句滿奚囊。

品題最要肖幽芳，未許斯人浪表揚。但使枝枝都存  
色，無名無號究何妨。

邀友人同賞菊

者番佳色滿東籬，擬待幽人共賦詩。好景當宜休錯  
過，一秋能得幾花時。

暮秋對菊

浚然無語倚東籬，帶得新霜色更奇。最是一年秋好  
處，世間曾有幾人知。

規世感作

欲易泝生理易微况當紅紫門芳菲此心須作澹臺  
劍斬斷蛟龍不使飛  
求田覲鼎是無厭較得菜根苦亦甜莫笑灌園甘食  
力於陵仲子尚非廉  
富貴由天不可求執鞭賤役適貽羞黃梁熟未君知  
否喚醒痴迷一枕頭

通如



溫州府志